

M253: Pariser Gebete

236,8 Diz ist ein gebet von vnser frowen sce- MaRieN .
 236,9 heilich wis du heiligiv maget gewihet sist du reinistv
 236,10 brvotē . Gesegenet sist du mandunge des ewigen
 236,11 libes . Heilich sin diniv reiniv oren . div da vernamen die himelichen
 236,12 botschaft . Heilich si din gelovbigēz herce . Heilich
 236,13 si div wambe . da du inne brutest daz heil aller der werlde .
 236,14 Nu bitte ich dich durch die stimme
 236,15 des ewigen vaters . vnde durch die chumfte
 236,16 dines lieben sunes . vnde durch die wonunge
 236,17 des heiligen geistes . daz du mich
 236,18 vernemest vber die angest
 236,19 mines

237,1 hercen . vnde miner
 237,2 frivnde . N . vnde la vns des genizen
 237,3 daz dich der hoheste wistuom erhorte durch
 237,4 die ermisten svndaer . daz dich div heiligiv vorbesiht
 237,5 erwerlt . durch die svntigen werlde . Gehuge des genadigiv
 237,6 vrowe . daz dich der ewige vater minnet . daz du
 237,7 hulde gewnnest den verworhten schalchen . Genaedigistiv
 237,8 mvter gehuge der werche . die der heilige geist an dir worhte .
 237,9 durch div schuldigen chinte . nv wis genaedich mir suntigen .
 237,10 vnd allen minen frivnden . N . vmbe die ich armez wip dich vil
 237,11 digelichen flege . vmbe die miniv ovgen weinent . vmbe die
 237,12 min sel serwet . vmbe die min mvte sichet . vmbe die mine mvot
 237,13 arbeitet . daz ich mich diner genaden an miner angest versten
 237,14 muozze . die ich han von rehter miner garnede . nu lose div
 237,15 gebende miner sunden . nu sterche mich wider die
 237,16 brode mines hercen . Beschirme mich in dem
 237,17 cite miner iugende . gewise mich in dem
 237,18 zite des angestlichen ellendes
 237,19 Geheile

238,1 mich von den wnden
 238,2 miner bechorunge . Ertot an
 238,3 mir die girde der vnsaeligen werlde . ersterb
 238,4 an mir die fliezende girde mines fleisches . frowe
 238,5 genadigiv hilf mir daz ich an dem iungistin vrteile . des

- 238,6 geniezen muze . daz ich mich willechlichen in dinen gewalt
 238,7 ergeben han . Ich bevilhe mich an dine genade ich oppher
 238,8 mich ovf din erbarmede . daz du mir helfest daz ich mit frovden
 238,9 scheide von dem vrteile . da da gewnne mit wirt div ewige wnne .
 238,10 da got ewichlichen schenket den win der ewigen mandunge .
 238,11 des bitte ich dich genadigiv frowe . durch die reine geburt
 238,12 dines lieben sunes . durch der engil willen die dich wisten in
 238,13 diner geburte . Ich man dich suzistiv anima . durch iosebes
 238,14 willen . daz du mir genadich sist . Ich bitte dich chuniginne .
 238,15 des himeles unde der erde . daz du mich armez
 238,16 wip vernemest vber mine svnde . durch
 238,17 die heiligen tovfe . da got inne wsk
 238,18 die meintaet aller der werlde .
 238,19 Nv genade

 239,1 mir durch sancte
 239,2 Iohannes willen . des heren tovfaeres .
 239,3 Genaedigiv frowe ich man dich der heiligen
 239,4 marter dines vnschuldigen chindes . daz dv
 239,5 mich svndigez wip loseest von den gebenden miner svnden .
 239,6 Ich bitte dich frowe durch der zaehere willen die genuhtchlichen
 239,7 von dinen ovgen fluzen . daz dich erbarme min
 239,8 traehen . die ich ovz gibe an dine genade . durch die angst miner
 239,9 sunden . Gehuge genadigiv frowe . des weges den du ovf den stein
 239,10 zu im gienge . da er da genaedichlichen bevalch scō Iohanni . in
 239,11 der ivngesten not siner marter . Gehuge mines serigen ganges .
 239,12 den ovch ich nach minen schulden nah dir tvon . Gehuge des hercensweren
 .
 239,13 daz du saehe nagelen din vnschuldigiz chint . zu
 239,14 dem galgen des heiligen cruces . Ich bitte dich durch die
 239,15 chlaechliche stimme . die er luote in siner marter . durh
 239,16 den antlaz da er sines vater hulde gewan . Nv
 239,17 vernim mine stimme . vnde den chlaegelichen
 239,18 rvofe . den ich tvn in
 239,19 den angesten

 240,1 miner sunden . und
 240,2 aller miner frivnde . Ich bitte dich
 240,3 genaedigistiv frowe . durch den tot den du an
 240,4 sahe . unde durh daz bluote siner siten . daz du mich
 240,5 erhorest vber alle die angst miner sunden . unde uber
 240,6 allez mine truobsal . heiligistiv trostaerinne aller trurigen
 240,7 hercen . Truotfrowe du chum mir ze hilfe . durh des heiligen
 240,8 grabes . willen . da unser herre inne lach . durch sine michel dimuot .
 240,9 Nu gehuge truotfrowe . wie dinem hercen waere . do dv von sinem
 240,10 grabe gienge . vnde erbarme dich vber mich armez wip . vnde
 240,11 getroste min serigez herce . durh willen der heiligen vrstente .
 240,12 da din herce mit gelabet wart . unde gefrowet wart . do du

240,13 in mit dinen ovgen erstanden saehe . den du da vor serichlichen
240,14 gebunden saehe . in sinem tode . Ich bitte dich heiligiv
240,15 muter . daz du mir suntigen etlichen trost gebest .
240,16 vnde sendest durch ere der frovde . do dv
240,17 din chint erstandez saehe . und hilf
240,18 mir daz ich enzit ersten
240,19 muze .

241,1 von allen minen
241,2 sunden . vnde von allen minen angesten .
241,3 von aller ubelen gewonheit . vnd
241,4 von allen angesten mines libes vnde miner sele
241,5 herre genadiger schephaere
241,6 des himeles unde der erde . du gefrovtest die
241,7 in dem hellesere waren . do du erstunde von
241,8 dem tode nu getroste min serigez herce . durch din vrstende .
241,9 in der nihtes vergezen wir daz ih an dinem troste lazen werde .
241,10 Herre gehuge min durch din heilige ovffart . durch den michelen
241,11 amer diner heiligen muter sancte marien . unde aller
241,12 diner minnaere die diner menscheit mit frolichen iamer nah
241,13 sahen . in div ewigen riche . nu geruche du gefrowen min
241,14 baermechlich gesvn . daz ich dir tvon mit ovgen und mit
241,15 hercen . Nu getroste mich herre durch den heiligen
241,16 trost . den du sandest dinen iungeren . an dem
241,17 heiligen geist . nah diner vfferte . Herre
241,18 himeles unde der erde ienoch
241,19 bite wir [...] [...]